

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Fond Kantona Sarajevo za izgradnju stanova**  
Broj:01-02-14-1124 /16  
Datum:06.06.2016. godine

Na osnovu Strategije za borbu protiv korupcije 2015.-2019. i Akcionl plan za borbu protiv korupcije Vlade Kantona Sarajevo broj:02-05-27128-4.3/15 od 15.10.2015. godine, direktor Fonda Kantona Sarajevo za izgradnju stanova (u daljem tekstu: Fond) donosi:

## **PLAN ZA BORBU PROTIV KORUPCIJE**

### **Uvod**

Na svojoj 6. sjednici održanoj 07.05.2015. godine Vjeće ministara Bosne i Hercegovine je usvojilo provedbu Strategije za borbu protiv korupcije za period (2015.-2019.), kao i Akcioni plan za borbu protiv korupcije Vlade Kantona Sarajevo 2015-2019. donesen na 19. Sjednici Vlada Kantona Sarajevo održanoj 15.10.2015. godine. Korupcija, kao ozbiljan problem društva, koja je prisutna u različitim oblicima, jedna je od prepreka ekonomskom, društvenom i demokratskom razvoju, a ujedno i narušava ugled institucije.

U fazama procesa pristupanja Evropskoj uniji, za BiH je strateški prioritet odlučno poduzeti konkretne i sveobuhvatne aktivnosti za sprečavanje korupcije.

Jedna od definicija korupcije glasi: *„Korupcija je svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili opštinskom nivou, koja može dovesti do privatne koristi. Korupcija posebno može uključivati direktno ili indirektno zahtjevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.“*

### **Cilj**

Ovaj Akcioni plan je usmjeren ka najvišim strateškim mjerama Fonda, kako bi se smanjili uslovi za nastanak korupcije ili omogućilo njeno lakše otkrivanje i procesuiranje.

### **Komisija za borbu protiv korupcije**

Fond Odlukom imenuje odgovornu osobu koja će imati zaduženje da prati provođenje Plana borbe protiv koprupcije, primarno ostvaruje saradnju sa Timom Vlade Kantona Sarajevo za borbu protiv korupcije, a po potrebi i sa Agencijom za prevenciju korupcije i koordinaciju borbe protiv korupcije Bosne i Hercegovine i drugim državnim organima i sličnim tijelima u Bosni i Hercegovini, Federaciji BiH i drugim Kantonima, kao i međunarodnim organizacijama i tijelima u okviru borbe protiv korupcije. Imenovati Komisiju za borbu protiv korupcije u sastavu najmanje od 3 (tri) člana.